



Broj: 02,03/11-05-1-70/17

Sarajevo: 9. 6. 2017.

KOLEGIJU PREDSTAVNIČKOG DOMA PSBiH

KOLEGIJU DOMA NARODA PSBiH

KOLEGIJU SEKRETARIJATA PSBiH

KOMISIJI ZA VANJSKE POSLOVE PREDSTAVNIČKOG DOMA PSBiH

**KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I
KOMUNIKACIJE DOMA NARODA PSBiH**

SEKTORU ZA ODNOSSE S JAVNOŠĆU PSBiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20.06.2017

Organizaciona jedinica	Klasifikaciona oznaka	Redni broj	Broj priloga

**Predmet: Izvještaj sa 18. zasjedanja Asocijacije evropskih senata, Brdo kod Kranja –
Republika Slovenija, 1. i 2. juni 2017.**

U okviru Asocijacije evropskih senata na Brdu kod Kranja, 1. i 2. juna 2017. Državni svet Republike Slovenije organizirao je dvodnevno 18. zasjedanje kojem su prisustvovali: predstavnici Senata Poljske, Holandije, Češke, Luksemburga, Francuske, Rumunije, Austrije, Rusije, Španije, Belgije, Njemačke, ambasador Italije, te Bosne i Hercegovine.

Iz Parlamentarne skupštine BiH na dvodnevnom zasjedanju učestvovali su: predsjedavajući Doma naroda Bariša Čolak, zamjenik predsjedavajućeg Doma naroda Ognjen Tadić i sekretar Doma naroda Parlamentarne skupštine BiH Bojan Ninković, na kojem se raspravljalo o potrebi i mogućnostima uspostavljanja Evropskog senata, odnosno gornjeg doma Evropskog parlamenta, kao i o izazovima s kojima se danas suočavaju evropski senati.

Delegacije, koje čine rukovodstva i predstavnici 15 evropskih senata, pozdravili su u ime domaćina predsjednik Državnog sveta Republike Slovenije Mitja Bervar i predsjednik Državnog zbora Republike Slovenije Milan Brglez.

Tokom zasjedanja učesnici su raspravljali o potrebi i mogućnostima uspostavljanja dvodomnog parlamenta Evropske unije. Mišljenja i stavove o inicijativi za formiranje Evropskog senata, osim predsjednika Državnog sveta Republike Slovenije i predsjednika

Senata Republike Češke, prisutnima je iznijela i predsjednica Senata Holandije Ankie Broekers – Knol.

Tema 18. zasjedanja Asocijacije evropskih senata bila je: „Evropski senat – *Put ka bližoj vezi s građanima EU*“.

Tokom rasprave o ovoj temi ocijenjeno je da uvođenje dvodomnog evropskog parlamenta ima više dobrih nego loših strana, budući da bi dvodomni parlamentarni sistem bio put ka tješnjoj vezi između institucija i građana. Uvođenje dvodomnog parlamenta dalo bi značajan doprinos efikasnijem funkcioniranju institucija EU i formiranju dobrih politika u interesu građana.

Predsjedavajući Doma naroda PSBiH Bariša Čolak je u svom izlaganju podsjetio na činjenicu da PSBiH, kao dvodomna institucija, svojim ustavnim položajem, strukturom i nadležnostima odražava karakter Bosne i Hercegovine kao složene državne zajednice uspostavljene Dejtonskim mirovnim sporazumom.

Ističući punu ravnopravnost domova Parlamentarne skupštine BiH i specifičnu ustavnu ulogu Doma naroda u zaštiti vitalnog nacionalnog interesa konstitutivnih naroda, Čolak je rekao da je pitanje vitalnog nacionalnog interesa u ovom domu pokrenuto ukupno 15 puta, od čega je Klub Bošnjaka to pravo koristio 13 puta, Klub Hrvata dva puta, dok Klub Srba nije koristio tu mogućnost jer imaju dvostruki veto u oba doma Parlamentarne skupštine BiH.

Upozoravajući na nužnost provođenja reforme Ustava i izbornog zakonodavstva BiH, kako bi se osigurao legitimitet izbora članova Predsjedništva BiH i delegata u domove naroda, predsjedavajući Doma naroda založio se i za povećanje broja delegata u Domu naroda Parlamentarne skupštine BiH, što bi doprinijelo boljoj organizaciji i efikasnosti Parlamentarne skupštine BiH kao najviše zakonodavne institucije u državi.

Prema riječima Čolaka, jednodomni parlamentarni sistem, zasnovan na načelu jedan čovjek – jedan glas, u višenacionalnim državama najčešće dovodi do majorizacije malobrojnijeg naroda. Stoga ulogu i značaj senata, posebno u višenacionalnim državama, nikako ne treba dovoditi u pitanje, zaključio je predsjedavajući Čolak.

Učesnicima zasjedanja Asocijacije evropskih senata, pored predsjednika senata Austrije, Belgije, Češke, Luksemburga, Holandije, Poljske, Rumunije, zamjenika predsjednice Vijeća Ruske Federacije, kao i sekretarke Senata Francuske, obratio se i premijer Slovenije Miro Cerar, naglašavajući da je značajna uloga u zaštiti ljudskih prava, vladavine prava i dijalogu kako bi se utemeljilo na dobrobiti naroda i zaštiti integriteta Evrope.

Tokom rasprave rukovodstva i predstavnici senata evropskih zemalja pozvani su da u narednom periodu intenziviraju saradnju i razmjenu mišljenja i stavove o ovoj temi, naglašavajući da uloga gornjih domova parlamenata značajno doprinosi promoviranju evropskih vrijednosti i učvršćivanju demokratije u evropskim državama, posebno u vrijeme suočavanja sa ozbiljnim izazovima poput terorizma i izbjegličke krize.


Na kraju je zaključeno da će naredno, 19. zasjedanje Asocijacije evropskih senata 2018. godine organizirati Senat Rumunije.

Konferenciji su, uz predsjedavajućeg Doma naroda Barišu Čolaka, zamjenika predsjedavajućeg Doma naroda Ognjena Tadića i sekretara Doma naroda Bojana Ninkovića, iz Parlamentarne skupštine BiH, prisustvovali i: Snježana Zelenika, savjetnica predsjedavajućeg Bariše Čolaka, Zoran Žuža, šef Odjela za informiranje u Sektoru za odnose s javnošću PSBiH, Dubravka Ištuk-Pavlović, prevoditeljica u Sektoru za međunarodne odnose i protokol, i Enida Mehmedovski iz Sektora za međunarodne odnose i protokol PSBiH.

Izveštaj sastavila:

Enida Mehmedovski

Sektor
za međunarodne odnose i protokol



Izveštaj odobrio:

Bariša Čolak

Predsjedavajući
Doma naroda PSBiH



Dostaviti:

- naslovu
- Sektoru za međunarodne odnose i protokol